

閩媛典第三百十九卷

閩節部列傳二百一

皇清五十二

張冕妻陳氏 按巢縣志陳氏張冕妻生員張昌奇長媳陳于廷女年十六而嫁十九孀居遺腹生子誓死守節又十年以父病重歸省姑亦旋病氏哀泣置刃割臂作羹旣以進父復欲進姑筋斷不支而死有司旌之

崔傳美妻許氏 按巢縣志許氏崔傳美妻年二十四夫亡守節撫子毀容深居三十餘年如一日卽至戚有未見其面聞其聲者

程正國妻王氏 按巢縣志王氏程正國妻柘臯鄉人正國亡氏年二十苦節撫幼子及娶生三孫子喪偕媳共守前後五十餘年

曹廷對妻沈氏 按巢縣志沈氏曹廷對妻生員沈珂鳴長女年二十二夫亡撫幼子守節子殤又立族子以嗣夫後甫成立而嗣子又喪貧苦終身旌表

曹彭年母楊氏 按巢縣志楊氏曹彭年母生員曹亮媳乙亥寇變氏年十七夫死於賊氏方孕數月矢志奉姑及彭年生辛苦教之成立奉

旌表

李允衡妻曹氏 按巢縣志曹氏李允衡妻舉人芳春媳年二十二夫亡翁姑相繼沒矢志守

節終其身

黃文蘊妻陳氏 按巢縣志陳氏黃文蘊妻年十九夫亡氏投繯再四姑及父母多方防護及生遺腹遂苦節撫之凡二十九年子既有室而歿氏痛哭不欲生哀毀骨立而死見者無不流涕

曹肇鎬妻陳氏 按巢縣志陳氏曹肇鎬妻州同知陳文達孫女年二十五夫亡撫幼子顯祚苦守三十餘年

趙咸亨妻王氏 按巢縣志王氏趙咸亨妻舉人王繼堯孫女夫羅寇難氏年二十子方數月誓以死守與寡母沈氏同居三十五年克盡孝道

莘吉朗妻錢氏 按巢縣志錢氏莘吉朗妻武舉莘承祚媳生員錢簡女也年十九孀居子方兩月矢志自守撫子成立歷苦節三十餘年

潘爾康妻王氏 按巢縣志王氏潘爾康妻生員王繼志女年十九夫亡撫幼子守節奉姑終老子亡又撫諸孫三人皆成立

吳毅母馮氏 按巢縣志馮氏吳毅母年二十五夫亡毅甫四齡饑饉相仍流寇四起氏挾子播遷流離萬狀至死靡他教子讀書成立

李應孝妻吳氏 按巢縣志吳氏李應孝妻生員吳自強女年十九夫亡貧苦不堪撫遺腹子成立苦節五十餘年終

張國綸妻方氏 按巢縣志方氏張國綸妻綸係國學生死於乙亥之寇氏年二十八無嗣止一幼女孀姑老氏盡心奉養荒亂頻仍極苦無悔姑歿依其壻郭繡家紡績度日垂四十年廣文張九儀額其廬

張問明妻阮氏 按巢縣志阮氏張問明妻性端莊年二十八夫沒子世科方六齡守之及長

長齋奉佛安貧自遣年八十餘孫曾滿前而卒

湯澤普妻王氏 按巢縣志王氏湯澤普妻年二十夫亡誓死守節撫孤養姑以孝謹聞姑病割股以救鄉里稱之

蔡杭妻楊氏 按巢縣志楊氏蔡杭妻生員楊維嶽妹幼授父訓習禮明詩長適杭杭沒楊年二十八孀居訓子乙亥賊陷城掠十餘婦嘻聚其家楊乘間升屋欲赴鄰井自盡踰牆折其一足既入井若有物負之得不沉隨有小賊窺井投石亦竟不中次日賊去爲鄰人縋而出衆咸異之

閻熙妻張氏 按巢縣志張氏閻熙妻熙勤讀早亡氏年二十六撫幼子嗣義食貧苦守乙亥寇變氏潔身赴井有物碍之不得溺寇退引出竟無恙縣令旌之

張爾久妻胡氏 按巢縣志胡氏張爾久妻鄉耆張宿煒媳爾久早亡氏年二十四子方襁褓翁姑欲嫁之不從苦守翁姑沒苦益甚紡績拮据撫子成人

李福汝妻朱氏 按巢縣志朱氏李福汝妻年二十三夫亡無嗣立姪門健苦節教之讀書縣

令旌表年八十終

王治隆繼妻張氏

按滁州志張氏孝廉王治隆繼妻年二十九夫亡撫前室子忠彥餽於庠

年七十卒

金光婁後妻白氏

按滁州志白氏庠生金光婁後妻撫前室女如所生夫亡子鱗未週歲矢

死守志有司旌之

潘永清妻彭氏

按滁州志彭氏庠生潘永清妻年十九清亡無嗣守二女紡績自給年六十

餘終

吳志舜妻張氏

按滁州志張氏庠生吳志舜妻年二十五夫亡守節事姑教子四十五年有

司旌表

李雲路妻吳氏

按滁州志吳氏庠生李雲路妻年二十五夫亡不食數日旣而曰上有祖姑

下有孤兒何可輕死遂苦守教子英爲諸生年六十七終

王三益妻魯氏

按滁州志魯氏王三益妻年二十二夫亾子霖甫襁褓苦守四十年終

胡宗親妻邵氏

按滁州志邵氏胡宗親妻年二十四夫亡無子撫二女安貧苦守四十九

安廣良母王氏

按滁州志王氏生員安廣良母年二十夫亡教子成名苦節四十年終

陳行恕繼母于氏

按滁州志于氏貢士陳行恕繼母年三十夫亡守節訓幼子成名年七十

五卒

邵天哲母于氏

按滁州志于氏生員邵天哲母年十九夫亡苦志守節六十餘年

羅爾順母喻氏

按滁州志喻氏羅爾順母夫亡苦志守節年八十三終

盧如椿妻孫氏

按滁州志孫氏盧如椿妻年二十二夫亡守節撫子及孫卒年九十有六

陳三綱妻姚氏

按滁州志姚氏生員陳三綱妻夫亡氏年二十六苦節四十二年終

田嘉禾妻張氏

按滁州志張氏田嘉禾妻貢士張純仁女年十八夫亡守節六十年終

何應昌祖母孫氏

按滁州志孫氏生員何應昌祖母年二十夫亡苦節五十六年終

濮珏母盛氏

按滁州志盛氏濮珏母年二十六夫亡守節五十六年終

侯君接妻羅氏

按滁州志羅氏侯君接妻歸五年夫亡守節年五十有八終

姚際芳妻周氏 按滁州志周氏姚際芳妻及笄歸姚甫半載懷孕而寡既生子階矢志苦守課階讀書有名諸生閻康熙十年奉

旌表

葛文魁妻唐氏 按滁州志唐氏葛文魁妻魁修偉有膂力明崇禎丙子春寇入北門文魁孤身被執寇酋夫婦皆見而說之誘啗弗從遂遇害時子晉甫週氏食貧苦守撫之成諸生年六十有四

于居弼母陳氏 按滁州志陳氏生員于居弼母夫歿氏年二十子弼二齡質遺腹氏苦守教之有成屢膺旌表年八十九

李邦科母羅氏 按滁州志羅氏李邦科母年十八孀居教子成立苦節五十五年太守旌之
李菖母陶氏 按滁州志陶氏廩生李菖母夫歿氏年二十九矢志苦守教子先後成名年五十八卒

王居仁母徐氏 按滁州志徐氏生員王居仁母夫亡苦志守節教子成名太守表其閭年八

十有二

耿友妻梁氏

按滁州志梁氏耿友妻年二十夫亡子偉甫數月家貧甚梁痛絕復甦其

所遺以殮友俄而其父又沒親戚欲爲治槨氏泣止之仍竭力殯如友居常閉門教子罕見其面諸姑欲探其志至則噤不得一語偉旣亂令出就外傳夜更嚴督之不以貧故令急治生有司旌之

李廷瑞妻朱氏

按滁州志朱氏庠生李廷瑞妻性端淑孝謹姑王氏持家嚴肅氏承順無違色

相夫成名夫早亡遺三子俱幼氏上奉孀姑下撫弱子備極艱苦每旦躬親庖廚夕則篝燈母續子讀丙夜不休子三人長毓奇貢士次毓葵廩生季毓英己酉舉人諸孫森列年七十一太守表其閭

金鑰妻李氏

按滁州志李氏廩生金鑰妻少司寇退菴李公敬女也生而端靜通女史內則

以禮自閑年十四歸鑰事親唯謹相夫爲善士常脫簪珥恤喪濟貧乏夫病刲股籲天願以身代越三載夫亡氏年二十八慟不欲生內外親族謂曰幸爲子女少節哀俾成長也氏乃強起

撫孤俱成人長伯無嗣氏遵翁遺命以次子淳繼之年五十終郡守趙清楨記其事

徐世鳴妻蔡氏

按滁州志蔡氏徐世鳴妻夫亡孀居五十載貞操自守教子成名郡守旌表

卒年八十有五

姜一登妻李氏

按滁州志李氏姜一登妻年三十而寡子方數歲內外無少援勤苦撫孤歷

五十餘年卒

李元素妻張氏

按滁州志張氏廩生李元素妻素沒氏痛夫無嗣欲同死姑謝引義慰解氏

受命篤守以終孝養舅姑相繼沒賴氏葬焉年六十終人稱苦節

章王化妻邵氏

按滁州志邵氏章王化妻事舅姑至孝夫嬰危疾晝夜籲天求以身代夫歿

遺二子皆幼氏勤儉操家延師訓教時時驗其所學愛而能勞子卒成進士氏年五十八終

陶于澧妻張氏

按滁州志張氏陶于澧妻澧沒無子女氏悲楚欲以身殉家人守之匝月翁

姑令其父母勸他適不從屏息深居家人罕見其面年五十餘終

石之瓚妻唐氏

按滁州志唐氏石之瓚妻年二十二夫歿守一女苦節四十年卒

唐治母羅氏 按滁州志羅氏唐治母夫亡矢志苦守年五十終

章完初妻胡氏 按滁州志胡氏生員章完初妻年二十夫亡矢志苦守六十七年終

尹士斑妻羅氏 按滁州志羅氏尹士斑妻年十九而寡子甫週歲家極貧冰霜自矢上養孀

姑下育幼子歷三十二年終

金若岑妻張氏 按滁州志張氏金若岑妻夫歿氏年二十痛不欲生鄰母勸之曰若夫尙無

嗣幸遺腹將婉倘生男可延金氏一線毋自苦氏乃勉存視息後果育男撫之成人家極貧勤

紡績歷冰霜五十餘年太守表其門

汪自貴妻晉氏 按滁州志晉氏庠生汪自貴妻年二十二喪夫苦節四十餘年始終無異邑

令王作舟申請

上聞詔建坊於門年六十七

金鑑妻傅氏 按全椒縣志傅氏廣文炯孫女處士金鑑妻年十九夫亡無翁姑獨居苦節終

身足不出戶族姓子姪罕有識其面者歲時奉先必哭奠時物未薦不敢嘗性耿直寡言笑持

家整肅撫遺腹子澤長內慈而外嚴四歲教之讀書每廣稱前人懿行以規其成立及子食餼於庠氏泣語曰汝勿自足務期遠大以承先業年四十七卒

魯近孔繼妻傅氏 按全椒縣志傅氏河南府經歷魯近孔繼妻孔家貧多積逋氏歸傾奩償

之苦績佐讀俾孔早膺選拔筮仕有聲孔沒子克隆甫八歲家難蜂起氏委曲調護教隆垂髫補博士弟子員媳胡氏死遺兩月孫直又賴氏成立孀居五十餘年至戚罕見其面年九十終楊滄妻謝氏 按全椒縣志謝氏楊滄妻孝事舅姑脫簪珥以供甘旨自食不厭粗糲滄亡苦節教子肇元成立年九十餘終

吳立昌妻王氏 按全椒縣志王氏武舉吳立昌妻夫遭寇死氏年二十八哀痛幾絕誓欲與俱嫂勸曰汝子方三歲誰哺之遂苦志撫孤教之入幃序壽終

張思呂妻諸氏 按全椒縣志諸氏張思呂妻庠生錦文母呂亡氏年二十三錦文方週辛苦撫之成立年八十一終

曹文照妻張氏 按全椒縣志張氏廩生曹文照妻事姑孝年二十六夫亡守志不移教五子

古今圖書集成
俱成立年八十餘終

邵希孟妻潘氏 按全椒縣志潘氏邵希孟妻孟亡氏年十八子二一方襁褓一遺腹家徒壁立與孀姑胡氏相依苦守撫孤成立邑令旌之年八十四卒

于項妻馬氏 按全椒縣志馬氏武生于項妻夫病劇割股以救不効死氏年二十一苦節撫孤甫成立而氏卒

汪應鰲後妻吳氏 按和州志吳氏鄉耆汪應鰲後妻撫前子元遇如已出年二十三夫亡守節刲股賣釵以療姑疾茹苦四十餘年如一日

陳思祚妻陶氏 按和州志陶氏陳思祚妻年二十六夫亡苦守撫育三孤年八十太守旌之又十二年而卒

彭光祖妻劉氏 按和州志劉氏彭光祖妻夫亡苦節姑病刲股二次太守楊繼芳旌之

過守韜妻陳氏 按和州志陳氏庠生過守韜妻年二十九夫亡守節撫孤成人太守旌表

張尊孔妻高氏 按和州志高氏太醫院張尊孔妻青年守志白首不渝事上撫下孝慈悉盡

咸以勁節稱之

陳鑑妻滕氏

按和州志滕氏烏江鎮陳鑑妻年十九夫亡守節撫孤成人年九十四州守旌

其門

李應芬妻耿氏

按和州志耿氏李應芬妻青年苦節白首如初

馬世龍母吳氏

按和州志吳氏醫人馬世龍母年二十三夫亡守節撫孤成人年八十卒

張堯德妻蕭氏

按和州志蕭氏逸民張堯德妻少寡守節教子金榜成名有司旌表

謝承韜妻孫氏

按和州志孫氏謝承韜妻年二十四夫亡守節事翁姑以孝聞教子庭芝入

郡校

杜之珙妻張氏

按和州志張氏杜之珙妻年十八夫亡無子矢志守節翁姑父母欲奪其志

不從數十年安貧茹苦蓬髮荆釵翁沒竭力以事孀姑終老

黃收妻徐氏

按和州志徐氏守備黃收妻夫亡苦節終老

柴應魁妻耿氏

按和州志耿氏柴應魁妻年二十三夫亡子甫三週矢志守節五十年如一

日太守旌其門

鄭直妻劉氏 按和州志劉氏生員鄭直妻幼稱孝女長適儒門夫亡年二十八遺三孤幼者在襁褓家徒壁立矢志自守無期功之親緩急莫告殯殮悉氏自營疊際凶荒冰霜不改晝灌園蔬夜勤紡績得米則爲糜粥以哺諸孤自啖菜羹以果枵腹康熙十六年

勅賜建坊旌其苦節年六十七終

王崇貴妻高氏 按和州志高氏王崇貴妻崇貴早亡母老子幼氏年二十六克盡孝養姑終營葬備極艱苦守節五十八年太守旌其廬

晏曜生妻汪氏 按含山縣志汪氏諸生晏曜生妻貢士汪寯姊曜病割股救之及死無子守節終身

唐之杜妻汪氏 按含山縣志汪氏唐之杜妻廩生廷對母杜死對甫週歲氏冰霜自矢備歷艱辛惟以教子爲事每漏下三鼓猶習女紅以課誦讀家徒四壁賴嫡叔唐之房奉嫂撫孤凡所創置悉以均分對得成立

黃守倫妻杭氏 按含山縣志杭氏黃守倫妻夫亡年二十二上撫翁姑中鮮伯叔教子命爵

遊太學克成其家

刁玉祖母司氏

宮氏呂氏附

按含山縣志司氏河間縣令刁玉祖母夫亡苦節教子年八十七終

玉弟琦妻宮氏亦夫死子亡誓不他適立姪長潤爲嗣玉子長林妻呂氏年二十亦寡守節終身三世一轍

胡騰蛟妻蔣氏 按含山縣志蔣氏諸生胡騰蛟妻孝廉蔣學純孫女蛟死氏年十九子志深

方二齡氏茹蘗飲冰和熊畫荻鄉黨稱爲壹範

張之誠妻束氏 按含山縣志束氏張之誠妻夫早沒氏年二十六遺孤大申甫七齡朝夕課

讀教之爲諸生

洪大義繼室程氏 按含山縣志程氏洪大義繼室義死氏年二十八奉孀姑至孝撫前室唐

氏子鈞如己出教之入成均縣令旌表

毛禮妻周氏

婦唐氏附

按含山縣志周氏毛禮妻禮死氏年二十七子如龍方襁褓撫之及長亦

古今圖書集成
早死妻唐氏亦年二十七子琛甫數月癯瘠姑媳兩世一心相依共老

胡之蘭妻劉氏 按含山縣志劉氏胡之蘭妻武舉胡亮揆母年二十三蘭遽死氏哀毀幾絕
念姑老子幼守節送姑終教子成人

唐紱妻過氏 按含山縣志過氏諸生唐紱妻紱死氏年二十三撫遺腹子零丁孤苦艱難百
倍氏處之恬然縣令旌表

王欽擢妻郭氏 按含山縣志郭氏王欽擢妻擢死氏年二十七無子勵志苦操三十年如一
日

程意妻張氏 按含山縣志張氏程意妻諸生程濂祖母年十九歸意二十一意亡奉翁姑撫
幼子五十餘年終

張蛾妻濮氏 按含山縣志濮氏張蛾妻蛾死氏年二十三家赤貧緝履度日姑胡氏沒盡力
送喪人共稱之

諸昉妻張氏 按含山縣志張氏諸昉妻昉亡氏年二十六長子三齡次在抱氏撫孤守節聲